

阿育王子法益壞目因緣經

苻秦三藏曇摩難提譯



清刻龍藏佛說法變相圖

阿育王子法益壞目因緣經序

群七

原夫善惡之運契猶形影之相顧受對朗驗
 凡三差焉現也中也後也播九色之深恩以
 悅天妃之耳目孤禽投王而全命形受五机
 之切酷斯現報也群徒潜淪於幽壑神陟輪
 飄而不改身酸歷世之殃疊不曉王子之喪
 目斯中報也阿蘭縱禍於無想嬰佩永惑於
 始終終爲著翅之暴狸飛沉受困而難計斯
 後報也故聖人降靈必有所由非務不預青
 白明矣玄鑒三世弱喪之流深記來變坏形
 之累趣使引入百練之室自如來逝後阿育
 登位綱維閭浮光被流洽圖形神寺八萬四
 千羅漢御世汎濟億數國主師宗玄化滂沛
 萬民仰戴而不已神祇欽賴而愈深然王子
 法益宿殖洪業生在王宮容貌殊特後復受

對靡知緣起會秦尚書令輔國將軍宗正卿
領城門校尉使者司隸校尉姚旻者南安郡
人也親姚韶之次兄字景嶷文爲儒表則烈
勲於千載武爲邈群則皎然而獨標亢音通
實則辯機而曠遠執素縱情則翱翔而無倫
德也純懿範也難摸赫逸翰於群才振龍威
於昆鋒然愍永惑之巨救傷愚黨之不寤欲
紹先勝之遺迹豎玄宗於末俗故請天竺沙
門曇摩難提出斯緣本秦建初六年歲在辛
卯於安定城二月十八日出至二十五日乃
訖梵本三百四十三首盧傳爲漢文一萬八
百八十言念譯晉音情義實難或離文而就
義或正滯而傍通或取解於誦人或事略而
曲備冀將來之學士令監罪福之不朽設有
毫釐潤色者盡銘之於萌兆故叙之焉

阿育王子法益壞目因緣經

苻秦三藏曇摩難提譯

人在生死纏綿來久習罪識深從起惱亂
姪之爲病必成波激猶可暴逸有所傷損
慧者執心念計分明淡泊自守御諸惡源
二十一結群七塗汚人心盡當捐棄二及放逸行
咸共一心聽我所說阿育王息壞目之元
聲徹八表彌滿國界群庶忽忽靡不驚愕
聖王阿育於中綏化領閭浮境莫不從令
王復生子顏貌端正生有毫相應紹王位
眼視清明如天帝像王觀此變甚悅無量
便召群臣沙門道士躬自抱示使彼瞻相
又勅諸臣更立名字令世稱揚聲聞四遠
群臣拜首承教而曰王生貴子世之希有
由正法治天降此神今當立號名曰法益

所以然者王法整故以法教化未曾違理
我等正是法之真子故稱聖子字之法益
目猶蓮華見者喜悅瞻視俱瞬如因提王
言辭詳叙不緩不急天性柔和不行卒暴
有此名德不可具記今更重稱號曰天眼
然阿育王最所敬愛隨時瞻養不令有失
王恒遣候探察內伺知子吉祥然後乃食
躬抱法益欣抃終日情愍愛感寤寐無猷
王問天眼汝造何福今獲此目如優鉢華
有時王子出遊國界恒令將護三不使憂感
設有男女群七見天眼來皆起邪念興欲情想
王素稟性偏著女色內宮侍人像如天妃
諸有婦人心懷恣態窈窕娥媚無不貫練
王大夫人名曰淨容晝夜伺捕欲與私通
我當何日果其所願得與天眼閑靜共遊

意便充足 不羨天宮 正爾殞身 於世無怨
時王太子 清晨早起 至夫人所 跪拜問訊
興居輕利 遊步勞耶 兼獻甘美 吉祥之果
夫人見來 欲意熾盛 便言汝前 與吾共遊
既充我願 又親情畢 彼我同歡 不亦快乎
天眼聞之 以手掩耳 內自思惟 酷哉斯言
何災之甚 痛貫心懷 育養恩重 豈容此法
漸漸退却 復道而去 還歸所在 靜默自修
彼見違願 又斷望意 撻背歎息 起謀害心
蓬頭亂髮 而坐于地 瞋恚所縛 如羅刹鬼
彼人云何 取我辱之 要當方便 挑雙目出
今此國界 無見聞者 何況男女 覩其形容
爾時有臣 名曰耶奢 父王所恃 威伏萬民
逼節之初 來入慶賀 朝謁揖讓 如舊世禮
王子見來 以手拍頭 不祥之應 在吾前立

速還本處 勿復傳此 吾欲入朝 慶賀聖尊
臣尋捉手 陽致重敬 願令王子 享壽無窮
向以尊手 而拍臣頭 柔輒之體 無所損乎
含笑徐語 趣悅前意 內興恚怒 如蛇懷毒
竊自思惟 要當報怨 不墮右手 終不行世
耶奢既跪 退還所在 以此元本 向天后說
夫人尋對 卿聽我語 亦有瑕疵 慙不能言
彼所毀辱 何地容之 分受刑斬 終不原捨
猶如耶奢 水中生火 燒焚山野 城郭縣邑
諸人見之 莫不驚怪 群臣相對 而共論講
何圖今日 水中生火 水能滅火 方從中生
今此王種 譬喻亦然 遇此太子 猶水生火
焚燒我心 所造功德 本無恐懼 今生怖畏
我恒長夜 而生斯念 吾年衰老 必得子力
反更摧辱 如弄姪種 此事隱匿 當復訴誰

耶奢白言 愆罪宜徵 毀尊辱臣 謀當時施
要設權巧 求其方宜 不挑雙目 則非報怨
時有羅漢 名曰善念 天眼師宗 人民所敬
真人入定 以道力觀 王子後必 當受緣對
數數教誨 微說道教 令知機變 萬物歸空
與王子說 色亦無有 有無亦無 無亦無無
聲從外應 由耳內候 香自波揚 鼻識而受
衆味經口 轉增舌根 身貪細滑 意法無厭
法有亦有 法無亦無 無有有無 無無亦無
猶如聚沫 必當毀敗 眼無常主 不可久保
如水上泡 會歸摩滅 當念思惟 無常之變
眼者遷轉 興衰不停 當自勗勉 求於天眼
夫天眼者 無能壞敗 漸當至彼 無憂之處
數捨俗務 往聽法言 親善知識 與共交遊
聞法意悟 眼得清淨 由善良友 逮阿羅漢

詳七

五

專心念佛 思惟法寶 敬奉聖衆 及師尊長
意不移易 則遇大幸 住不動地 眞佛之子
法益聞之 悲喜交集 此必有因 事不孤爾
云何人身 眼亦無常 師今戒勅 慙慙至深
宜當防護 施行嚴教 豈敢輕慢 違我聖師
當於爾時 閻浮地內 菩薩所行 投身之處
名曰石室 恒有王治 會遇國毀 主亦喪亡
國界群臣 庶民大小 普共就詣 阿育王所
前拜敬謁 叉手而言 聖王延壽 興利康強
石室散王 捨位遷神 願賜差次 領遺荒民
王子顧盼 告耶奢曰 逮勅差遣 應誰統領
彼民剛強 須堪能者 無令凡人 錄攝彼土
耶奢自念 今正是時 當遣王子 法益使攝
輒前長跪 即白王言 願垂聽許 微臣所啓
軻陀越國 樂如天宮 願差王子 統領荒民

便爲國土至感所遇亦使天威遠震無外
父王聞之即便瞋恚咄愚所啓豈足上聞
卿非國主又非領民爲因何力使吾息往
汝舌云何不段段墮方欲遣吾窮胎之子
今重原汝再死之罪好自改愆勿殞吾身
從今至竟重誠勅汝慎護卿族得延天命
設有稱吾息名號者躬自執劍梟汝等首
若復更有面稱字者當生拔舌吾取食之
假使我子昔與卿讎過去所作因緣之本
及以現在身口意行今悉原恕不錄前罪
時臣懷嫌不顧命根前復長跪重白情實
善哉大王願垂天威留神思惟使國不亂
西方人民受性頑質恒好鬪訟興兵攻伐
宜須善化綏納人心君臣和穆豈非嘉會
軋陀越國饒珍多寶高才博聞無事不關

詳七

六

又石室地名譽不朽昔華璵王所治之處
其園池水生金蓮華銀葉寶莖價直閭浮
此城有威神德無量非越常人所可臨顧
國雖西垂益事豐廣願王善察不忽微言
所以頻啓以國事重何敢專意使太子移
利根聰獻是知諸法兵戰技術皆備貫練
設當彼土遭王子者不加刀杖自然降伏
所言柔和無有麤獷受性寬仁無貪恡心
酒不過口於色自制恩接博愛治無阿曲
設無此德臣豈敢宣是以煩聽願垂時許
王當專一何足二憂設念尊息慮彼國爲
今不時謀後必有患事不預慮敗在斯須
王聞此語如食遇噎旣不入腹又不得吐
大臣所惑莫有覺知猶蛾投火不顧後緣
時王阿育涕零教曰喻遣法益統攝彼土

迎臣數萬 自然響應 吉祥寶物 尋集天庭
育王躬自 手擎夫冠 冠法益首 而告之曰
善哉新王 吉無不利 常使吾種 登遵此位
搥鐘鳴鼓 作倡妓樂 懸繒幡蓋 數千百種
於彼國土 靡不周遍 八由旬內 人民充滿
著鎧象馬 各八萬四 金銀交飾 不可稱計
羽葆之車 八萬四千 步兵之衆 復八萬四
如天帝釋 出遊後園 玉女營從 樂何可過
如是王子 至彼方城 入石室城 導從無數
王至國界 萬民稱慶 適意自娛 如忉利天
城內里巷 懸繒幡蓋 香汁灑地 靡不周遍
時王法益 告人民曰 卿等以城 尊重吾者
於七日中 各勿作務 吾當賜卿 財寶之物
如我宮中 五樂自娛 恣情遊戲 晝夜無厭
吾今賜汝 隨意之寶 假令負債 出物代償

若有墮落 爲人奴婢 給與財帛 令不作役
盡令城內 男女大小 普修善行 無令有怨
復勅外境 宣吾教令 六年之內 勿輸資財
設有孤窮 極貧匱者 吾亦施物 不令有乏
其能自修 無殺盜心 吾當敬待 如已無異
時王法益 重宣令曰 半月三齋 此日難遇
男女相勸 無起懈怠 奉持八關 如來齋法
佛說人身 億劫乃獲 及八無閑 顛倒之法
如板浮海 盲鼈投孔 此猶可冀 求人身難
汝等已果 莫生憍慢 人中五樂 幻偽不真
當建天福 適忉利宮 七寶殿堂 食以甘露
其有欲得 受天之福 當於半月 奉持三齋
時石室王 教誨不懈 舉國豐熟 人民安隱
其有男女 遭遇彼王 命終之後 皆生天上
大王阿育 而問來使 法益治化 爲如法不

國界人民盡靡伏不鄉今具說不足疑難
來使歡悅即前自宣大王壽考萬民蒙賴
法益聖王氣力康強恒以正法恤化西方
石室城中如天帝宮王於中治猶天王釋
軋陀越國土豐民盛所行真實無有虛偽
不殺不盜順從正法釋七人民之類歡慶無量
願使大王延壽無窮蒙聖之德各寧其所
阿育王聞喜慶歡怡和顏悅色告耶奢曰
吾獲大利其德實顯法益王子以理治化
率以禮禁導以恩和人民之類莫不戴奉
今當分此閭浮利地吾取一分一分賜子
使我法益長生壽考治化人民如今無異
新頭河表至娑伽國軋陀越城烏持村聚
劔浮安息康居烏孫龜茲于填至于秦土
此閭浮半賜與法益綱理生民垂名後世

師子曇羅摩竭金根維耶舍衛裸形睡耳
雪山北界至于海際吾躬訓化今無有限
臣耶奢聞如被毒箭外佯含笑內懷瞋恚
即跪對曰奉大王教正爾傳令不敢稽遲
竊自念本宿對之惱三毒隆盛不顧身命
昔椎我頭甚痛難忘今不報怨何日可果
尋即却退還歸所止密遣侍人共白天母
夫人聞已勅耶奢曰速作祕書退位刑罰
無令外伺而見聞者若當事顯俱亦傾沒
耶奢白言釋七祕書易辦唯須金印用封印書
夫人報曰印自我憂今當供辦九何慮不果
善思行人可付往者無令輕舉事情外露
時臣耶奢詐稱王命私述聖旨虛辭萬端
輕誣彼土欲令灰燼云阿育王威恚彼國
若欲安此閭浮地者速從我命不足違戾

見吾書信并覩印封摧檢法益挑兩目出此非我子我非彼父所治國界亦非我有竊爲此書往示夫人啓辦寶印不足疑難今得印者明當遣信若小稽留恐事彰露爾時夫人即以其日向王涕泣佯聲變怪昨夜卧夢極爲不祥將恐王身會遇疾病宜先預慮以攘惡夢願飲甜漿用悅我心便能伏厭不祥之應尊及君民永無有憂王尋告曰夢是非真安能令吾身值疾病夫人聞此重更悲泣向天號哭宛轉于地王當垂慈應受我酒無令妾身永失命根時王含笑徐告之曰卿意欲爾當爲飲之焉得使汝自喪其命此是小事吾不相逆王即受酒飲小過差尋醉睡眠了無所覺夫人取印用封檢書于時侍從無見之者

王於夢見有人解印尋時驚覺問左右曰方始安眠心識憺怕誰來擾吾神不得寧速檢校之無令有虛其必有謀欲危吾身手執利劍及飛鐵輪奮赫天威語夫人言誰乃令汝取吾寶印設不時首正爾斷滅夫人懷懼長跪白言願王垂察實無此情王重瞋恚復告之曰更無餘人觸嬈吾者今不面對以誠陳過當取汝身分爲二段夫人涕泣跪白王曰此是夢幻現瑞怪耳種非凡細孤窮僕賤何敢王前虛稱詐實假使須印焉得偷竊以誠告王豈不得耶王聞此語默然不對復還寢卧達曉乃覺夫人急勅僞臣耶奢速遣信使不足停滯當爾之時王子法益與諸群臣共集殿上歡會遨遊隨意所娛書信達到石室城內

王聞外有父王教勅尋起前迎拜跪頂受授與左右使發印封見王教令至爲嚴切稱阿育王普惠斯土若欲安居石室城者速檢王子挑兩目出無令停滯使影移轉法益聞已自投于地我有何過於父王所遣此書命毀我兩目將非有人向父王讒群臣人民聞此切教咸共驚愕莫知所如何災之甚乃見此變大王瞋恚無復係嗣其中群臣或作是論我等不敢毀法王目誰有此人能興斯壞敢復舉意挑出兩目卿輩共集固守境界傳告遠近供辦戰具寧喪人民分我妻子不令我王受此苦痛急擊鳴鼓召力勇猛火燒此書摧殺來信彼非我主我非彼民實不從令毀聖王目時王法益告群臣曰勿生此心以逆聖教

群七

十一

父王兵衆非算所籌勇猛剛健世之希有卿等雖欲各現微誠事不果者國界普喪我命何常身爲誰有乃使大王怨責至深寧殞身命分受來勅安得自濟使國荒亂卿等勿復思向來論速受王教取吾眼毀夫盛有衰合會有離無身則已死豈可避佛不說乎是身苦器恒漏臭處無一可貪速告城內誰能堪任取王法益挑出雙目今賜寶璽價直千萬兼與金銀不可稱計國土人民聞此教令運集宮門投鍼不下異形同響悉共高聲號天叩地各訴辭曰何酷之虐失我聖王如此天宮云何遷轉城郭如是坵荒不久國界邦土悉爲培陵我等咸共傳告隣國云王阿育爲惡之首殺兒揚名有何可貴尚不愛子民何所恃

爾時城內有一凡夫昔與王子小小讎嫌
徑自直前求受重募吾堪挑眼亦能梟首
左右諸臣指示啓曰此人自稱堪毀王目
猶可思詳拒父王教願不使主受此毒痛
王見此人悲泣交集左右顧視告群臣曰
吾居此城十有二年備有愆短咸共原恕
設復今見毀吾目時勿復愁惱起諸惡念
還理國事如舊常法以正治化務使得宜
正使意欲食天之福常念齋戒無違斯須
王脫寶冠珠璣瓔珞及寶履屣授與前人
卿當知吾欲思法本一一挑眼著我掌中
時彼惡人手拔利劍先挑一目授王掌中
王自執眼而熟思惟方憶先師本所教誨
霍然心悟繫意不忘昔師所演理極深遠
而告我曰詳七眼者無常師勅至誠實無虛詐

寂靜微察解無常義此眼不久爲當壞敗
眼我知本誑惑世人群愚耽習不知是空
生死穢濁如芭蕉樹葉葉相覆中無有堅
智者觀察無一可貪豈復興意著於眼色
眼非我有非作非造彼無我慮焉有眼哉
愚者起惑染著眼識輪轉幽冥長流之海
眼今與汝永共別離由何元本與吾作眼
如水上泡乍起乍滅虛偽無實用彼眼爲
如是法益微觀眼源思惟玄妙意不移動
執正御亂心如金剛諸想求寂志不流馳
爾時彼人復以利劍挑第二目著王掌中
重觀眼源本從何致解諸法寂萬物歸無
即於座上得天眼通諸塵垢盡自致道跡
感應天地六變震動喜情內發而三稱善
捨世穢目致斯淨眼功德微著自知道成

諸臣呼嗟宛轉于地痛何甚酷失我所天
昔造何緣爲何宿對今敗此目如捐瓦石
又重叉手各自陳啓願王垂愍還統此邦
我等相率詣父王所訴辭自陳令理國土
時王法益慰謝諸臣深感無極至報之心
形毀之士何安貴邦宜則自退時出國界
即將夫人侍臣有一捐王寶位涉道而去
周流村聚郡縣國邑徒屣曠野嶮阻之難
然王太子素善彈琴加音清妙世所希有
依憑此術家家乞求從國至國用自濟命
如是經歷諸郡城郭漸漸便至父王治處
時臭惡聲流聞海表云王阿育毀兒兩目
村落郡國莫不驚動吾等悉當於何處避
男女大小悲泣相向太子於王有何罪咎
彼人焉得手不斷壞取我聖王毀此兩目

王子法益告諸人民父王無咎世人無怨
是我宿對今受其報此緣久矣非適今世
時阿育王在高樓上獨與夫人而共寢寐
王子法益止馬廐內竟夜歌戲鼓琴自娛
王聞琴聲悵然意變宮商和雅似吾法益
何人彈琴響震乃爾將非即是吾法益耶
夫人報曰此非王子無目之士行乞自活
軋陀越國如釋天宮領統西方如日貫雲
王今時起詣殿治正諸臣運集欲觀至尊
趣欲使王志竟他念入出慄怖恐殃及身
王重聞音鼓琴之聲即便驚起微察來響
顧謂左右此非異人定是我子來至此耳
咄弊婦人不須多言速將此人使吾見之
尋遣使喚將至王所二遙見來自投于地
號天稱怨心意倒錯愛悴悲感如被火然

諸臣水灑扶令起坐正冠嚴服而問之曰
誰壞子目酸毒乃爾傷我心肝復用活爲
本如天眼今遭此災悲哽斷絕死而復甦
復捉寶冠而投于地亂頭散髮奮振天威
珠璣瓔珞群七各在異處手執利劍告左右曰
吾今要當消滅天下老舊少壯十四無免吾子
石室城內盡當茹食人民之類斯挑眼出
軋陀越國令使丘荒坐壞吾息清淨之目
亦當害此吾所居國不問男女皆悉挑眼
即擲鐵輪於空中轉殺閻浮內有形之屬
父王涕零問王子曰誰壞子目乃致於斯
令我心肝寸斷抽絕觀者億數無不哀愍
王子尋對書印此發教令嚴切莫不驚愕
願王勿責石室城人彼人民和無有憊罪
是子薄祐招致斯殃皆由曩昔不善之業

諸臣見書悉懷瞋恚阿育何爲行此不仁
於閻浮地實無慈愍云何興心毀此王子
我等諸人皆共運集傳告國界嚴備戰具
寧失邦域分受刑罰不使王子受此毀辱
勅燒書信并殺來使於石室城速擊鳴鼓
彼非我主我非彼臣實不敢毀王子雙目
子尋誨喻彼界人民勿興此懷以逆聖教
向於父王生反逆心自古迄今興衰有限
時行尊約承來嚴教莫得稽留違此書命
生民群愚不識真僞願王含容十五垂恕不及
大王留神觀察佛語忍爲大力能勝衆怨
時可捨放不錄罪愆莫以子目起殺害心
地獄苦痛拷掠酸楚備受罪報用憶子爲
若見愛愍惠本願者何於子身殺害人民
國土男女民萌之類悉懷恐怖願時赦寬

當於爾時 王子師主 將諸比丘 入城乞食
手執應器 法服齊整 漸漸以次 至王宮門
阿育遙見 悲泣交集 即起前迎 長跪問訊
昔尊弟子 法益王子 今遭殃疊 毀壞雙目
悲感情傷 哀切難勝 願尊臨顧 療以法藥
羅漢報曰 無常百變 此來久矣 非適今也
尋將比丘 即前就坐 告王勅喚 使法益來
王躬自入 手執導引 觀者數萬 莫不痛心
前接足禮 淚如駛河 悲憤哽噎 謙卑說曰
昔師教誨 誠如來勅 眼者無常 亦無牢固
思惟此義 淵玄深遠 肉眼穢濁 不可恃怙
亦如聚沫 被照之露 猶水浮泡 鏡像光移
芭蕉野馬 幻化不真 智者所棄 有何可貪
時王阿育 前跪白言 願演至味 使復視瞻
愁憂憤心 拔濯清淵 流浪之徒 使還歸真

思惟尊教 安處無爲 令將來世 知宿報源
羅漢尋起 至王子所 手執白氎 覆法益頭
月光夫人 親王子母 尋起于座 叉手跪侍
躬擎香爐 燒衆名香 向十方國 方面境界
諸有神祇 尊豪鬼王 盡集此處 證至誠誓
令我法益 還復眼目 諸神證明 至誠感動
八部鬼神 即時響應 四面運集 無空缺處
復告王子 發汝心願 歸佛法衆 及尊師長
過去諸佛 方將來者 自投歸命 興尊敬心
諸賢聽我 發真實誓 以逮不著 獲清淨眼
得道已來 終不先食 詳七 要前度人 十六 然後乃食
憶念我昔 承事諸佛 式佛維衛 毗舍如來
以若干種 繒絲華蓋 作娼妓樂 以用供養
加復燃燈 續尊光明 緣此德本 使復眼根
昔於式佛 發此誓願 諸無肉眼 吾當療治

還復眼根如前無異設果我願得眼根淨
若復王子五百世中審是我息如實不虛
吾以今身更不受胎願令王子如我無異
復告阿育王念昔日以一掬土施於如來
由此福田王閻浮提鐵輪獨遊而無儔匹
今亦當發至誠之誓福及王子使得眼根
爾時尊者騰遊虛空作十八變涌沒自由
大王見已叉手長跪專精其念自投于地
歸命我尊釋迦文佛蒙遺餘福統閻浮地
若使如來記莂我身吾逝百歲當有王出
於閻浮地起八萬四如來神廟周滿方域
神口所記今已果獲彌綸境內普興福業
領閻浮界獨步自由設法不虛得眼根淨
昔所種福於真人所敬奉三寶國師道士
及施窮乏諸裸形者以此福業施於王子

群七

十七

王念昔遊巡行國界乃經諸山鐵圍之表
聞下有聲雷震天地響應震動音甚酸酷
王乃下眴見閻羅王臣吏叅佐辟問罪囚
所犯形狀輒便決斷隨罪付治無增減心
十八地獄熱熾湧沸十六鬲子圍遶一鑊
刀山劍樹火車爐炭罪人叫喚苦毒萬端
王問左右此爲何人諸臣答曰死人王也
主別善惡檢罪輕重伺察殃咎料簡賢愚
是時阿育告群臣曰死王猶向造地獄治
我今乃是生民之王豈復不能地獄治化
問諸群臣誰有斯人極惡凶暴領地獄者
諸臣對曰唯有無擇五逆之人能造地獄
黃髮赤眼卷眉腫頰高額褰鼻乃能行惡
王勅諸臣訪覓惡人如此比類速來上奏
臣即馳奔國界縣邑見一池側有一織罽

傍設弓箭 仰射飛鳥 前灑毒飯 用捕群雀
脚牽鈎餌 以釣淵魚 後施罾弮 微伺麋鹿
引頸鳥鳴 招致鳥獸 諸人見之 審如所募
臣還以狀 白王情實 行求惡人 其誠如斯
王言善哉 乃果我願 究尋此人 必辦獄事
王遣人喚 云吾欲見 重賜珍寶 隨意所須
惡人報曰 我是小人 無所識知 王用我爲
使復答言 卿必遷貴 欲得汝身 治地獄事
其人歡喜 即還到家 具以事狀 而啓父母
父母聞之 甚懷憂感 各自抱兒 不放令去
兒意勇盛 即拔利劍 斫殺父母 而捨之去
往至王所 跪拜問訊 揖讓修敬 在一面立
王問惡人 卿父母在 無瞻養者 何由得來
彼人自陳 父母固遮 以劍斫殺 而捨之來
王言苦哉 眞五逆者 猶害父母 餘人何怙

群七

十八

即委此人 造地獄城 鑊湯劍樹 注鐵垣牆
尋使其人 爲地獄主 立諸臣佐 各有所典
如閻羅王 約勅獄卒 有入獄者 無令使出
不問貴賤 豪尊長者 得便治罪 勿責曲直
正使我身 入此中者 亦莫聽出 加以重法
繞城周匝 種好果樹 修治園觀 狀如天宮
時我獨步 頭陀乞食 漸漸以次 到此城門
外見香花 樹木繁茂 謂是好人 豪貴居家
即便入門 欲從索食 但見治罪 驚怖欲還
獄卒前提 不聽使出 將至鑊所 欲加五毒
我復求曰 小見寬恕 至日中者 抱恩無已
學道日淺 又不廣誦 願聽見許 禮十方佛
惡人默許 期剋日中 語未久頃 男女二人
坐犯姪法 將入治罪 置碓臼中 以杵擣之
斯須之間 變成爲沫 時吾見之 唯念佛語

身如聚沫 誠哉斯言 受身胎分 要有斯對
過聖恒沙 誰免此患 吾今當計 非常之義
分別九漏 不淨之穢 又頃復變 爲白鵝色
思念此形 如久骨聚 變易非一 如幻如化
即時意悟 結盡結解 欣情內充 形發於外

群七

十九

快哉福報 與生死別 心意寂定 志如金剛
天焦地爛 融然一體 彌天熾火 安能燒我
獄卒復催 時入鑊湯 我時方笑 顏色容悅
獄卒復恚 差其四人 各扶兩掖 倒著鑊中
湯冷火滅 變成清涼 拷掠榜笞 普皆休息
即便化作 千葉蓮花 於蓮華中 結跏趺坐
坐卧湧沒 作十八變 或飛虛空 去地七仞
獄卒見驚 白阿育王 獄中奇異 未曾所見
願王暫出 至泥犁城 臨視災怪 窮異之變
王語惡人 我先有要 正使我入 亦不得出

轉輪王教言無有二 我今那得復入此門
吏白王曰 但入無苦 聽令一日 後令立限
王即隨入 見鑊中人 在蓮華上 結跏趺坐
王遙問曰 汝是何人 我復報曰 吾是比丘
王復問曰 汝今在獄 當稱罪因 何言比丘
時吾語言 汝真愚人 蒙聖遺恩 王南天下
求劫積功 始乃得之 方更謗聖 稱爲罪囚
王問道入 汝今何故 轉輪王前 面稱愚人
時吾告曰 汝童子時 以一把土 奉上如來
佛受呪願 詣迦葉寺 以水和泥 補寺南壁
記汝後當 南閻浮提 作轉輪王 名曰阿育
一日之中 便當興立 八萬四千 如來神廟
王今此獄 是浮圖耶 更反招禍 無邊之罪
神識倒錯 癡心纏裹 愚中之愚 莫甚王身
惑人執迷 至死不改 今稱汝愚 何惑之有

王意即悟 五體投地 便自懺悔 師事我身
於是罷獄 興立善本 求獲無爲 不起滅法
本種土栽 今致王位 於佛福田 淨諸結穢
盡持壇界 奉大三寶 審有此福 使得眼根
王及尊師 發至誠言 即於座上 獲完淨眼
諸天須倫 神祇鬼王 皆稱善哉 歎未曾有
不可思議 神感之應 即前發覺 觀視眼目
王及夫人 遙見法益 容貌殊異 世之希有
爾時天地 六變震動 山河石壁 砢礫涌沒
內懷歡喜 不能自勝 前自長跪 白天師曰
師如生佛 施人眼目 蒙福威力 更生淨眼
王見瑞應 不可稱說 此必天身 寄吾生耳
脫已寶冠 授與法益 紹轉輪王 統閭浮內
王子前跪 白父王曰 子無此威 敢紹尊位
父王告曰 觀卿行跡 定是天神 畢然不疑

卿在我治 則非其宜 汝應紹位 我宜臣佐
速隨吾語 受此寶冠 勿足疑難 興猶豫想
師復告曰 王應受此 天冠威容 治化六年
昔本爲王 經六萬歲 時少六年 減不充數
阿育王疑 白大師言 願說本緣 開發蒙心
於何造行 致斯豪尊 旣爲我子 眼得清明
又中毀壞 今獲完目 復作何緣 與尊相遇
導引法師 得法眼淨 今爲佛子 諸塵垢滅
復以成道 永離生死 願說昔日 所更行本
師告王曰 聽我所說 諦自思念 昔所因緣
過去之世 九十一劫 有佛名曰 維衛如來
爾時王子 爲我作兒 兼知數技 則善圖畫
我身七日 供養彼佛 王子畫造 如來形像
即以形像 宣示最勝 如來稱善 實無等倫
即於彼佛 發心誓願 所生之處 莫墮惡趣

恒使端正 眼目分明 生值豪族 不處卑賤
常爲婦人所見愛敬 其有親者 皆投于地
次後有佛名式如來 將諸比丘 遊清明城
我爲長者 此爲我息 復共供養 承事式佛
次佛名曰 隨葉如來 度脫人民 不可稱計
爾時求願 爲子上燈 七日七夜 光明不斷
乘此福祐 長離苦惱 所生之處 得天眼淨
於賢劫中 有佛出世 名拘孫那 度人無量
三十二相 紫磨金色 坐道樹下 降伏魔怨
六十六年 奉持禁戒 月六歲三 初不脫失
次復有佛 拘那含尊 照曜世間 如月星滿
爾時我亦 爲長者子 王子與我 作最小兒
有一比丘 得阿羅漢 以次乞食 來至貧家
時我兒婦 供養比丘 衣被飯食 牀卧醫藥
王子懷恚 竊語已婦 卿今何爲 與此人通

我要當壞 此比丘目 是何乞士 觀視吾婦
次後有佛 名曰迦葉 衆相具足 出現於世
我時復爲 大豪長者 廣接恩惠 名稱四遠
復遇此兒 生死兩目 由本業報 受此殃罪
因造圖像 今致此報 生在王種 顏貌無雙
又眼徹視 在衆獨尊 見者心歡 靡不威伏
以曩昔謗 真人羅漢 坐視婦人 欲壞他目
由本惡行 今毀兩目 善惡之報 終不腐朽
我請迦葉 及比丘衆 供養七日 隨所給施
子亦復於 七日七夜 奉敬如來 及請聖衆
兩手擎燈 形不移動 日三懺悔 自歸於佛
我本所造 身口意行 今盡改過 謹修禁戒
設後更遇 如此聖尊 願使鄙賤 得遭奉敬
即於彼會 盡於苦際 與父同時 成阿羅漢
於維衛佛 七日燃燈 發願求福 而獲天眼

今雖毀壞 肉眼根本 即時便獲 天眼之報
既遇迦葉 興出世時 願使更生 得清淨眼
或復有時 建立堅誓 使我與父 同時成道
於六年中 正法王治 竟此數已 便當盡漏
王聞此語 善心生焉 即前長跪 自投于地
尊今清淨 諸垢無著 於賢聖衆 安處無爲
法益新王 領閻浮提 無有賊盜 劫掠人者
無有疾痛 邪業之法 普行慈心 相視和順
時王法益 告群臣曰 卿等孝順 勿懷奸邪
興殺盜心 不善之報 亦莫婬泆 妄言綺語
酒不過口 恒當順法 不違正教 便成道跡
時王治化 以經六年 長跪叉手 白父王曰
子受王命 不敢違戾 乞聽出家 修清淨行
王即聽許 令出家學 禮父母足 便辭而去
往詣於師 自陳啓曰 願師聽納 得在道次

詳七

三十三

尊者頽頽而告之曰 善來真子 勤修梵行
卿於今身 斷除諸漏 莫懷懈怠 更受毀辱
剃除鬚髮 專精心意 普地震動 雨天雜花
尋時即受 具足之戒 眞人之法 無不曉了
師漸教化 指授儀則 眼如夢幻 當熟思惟
觀此五陰 都無所有 無人無作 亦無授者
知之悉空 愚者染著 髮毛身體 爪齒之屬
血髓腸胃 不淨充滿 此身無淨 亦無牢固
汝當思念 有爲之法 此五陰形 幻化虛僞
由此流滯 不得解脫 汝今慙慙 至解脫城
如佛所歎 豈有虛乎 長樂無爲 澹泊虛寂
諸佛過去 如恒沙數 難寤衆生 不聞不覩
興勇猛心 於瞿曇法 至安隱處 無往還期
如是尊者 教誨法益 晝夜經行 無復懈怠
觀此五陰 如被火燃 即成羅漢 不復退轉

師復重告諸來會者 捐忽非務 及俗煩鬧
天人根元 流浪生死 漂滯馳騁 隨於五趣
彼終生此 皆有因緣 人根相類 今爲汝說
行步顛蹶 不自覺知 視瞻眩惑 恒喜多妄
舉動輕漂 浮遊曠野 此人乃從 活地獄來
肢節煩痛 睡眠驚覺 夢寐兇惡 黑繩獄來
麤髮戾眼 長齒喜眠 聲濁暴疾 合會獄來
語聲高大 不知慙愧 喜聞喚呼 不別真偽
眠卧呻吟 夢數驚喚 當知此人 涕哭獄來
恒喜悲泣 登高遠望 好聞家人 無有親疎
言便致恚 經宿不食 此人本從 大涕哭來
身長脚細 筋力薄甚 言語咽塞 聲如破甕
神識不定 心無孝順 當知此人 阿鼻獄來
身體麤醜 長苦寒戰 好熱喜渴 慳貪嫉妬
見人惠施 自致煩惱 此人乃從 熱地獄來

群七

二十四

見火驚恐 復喜暖熱 行步輕便 不避事宜
所作尋悔 復欲更施 此人復從 大熱獄來
小眼喜眠 所受多忘 所造短狹 無曠大心
見大而懼 視小歡娛 此人乃從 優鉢獄來
赤眼醜形 常喜鬪訟 誹謗聖賢 諸得道者
晝夜伺人 非法之行 當知此人 鉢頭獄來
眼視三角 不孝二親 生便短命 拘牟獄來
好帶刀劍 強嫌人鬪 必爲人殺 邠持獄來
身生瘡癢 口氣臭處 與人無親 曠地獄來
形體長大 行步劣弱 少髮薄皮 恒多病痛
見人則瞋 貪饕無厭 當知此人 從焰獄來
體白眼青 語便流沫 言無端緒 好弄塵土
見深淤泥 身卧其上 此人乃從 灰地獄來
卷頭黃目 人所惡見 臨事惶怖 劒樹獄來
手恒執刀 聞聞便喜 爲刀所害 從刀獄來

體黑寒戾 喜止冥室 口出惡言 熱灰獄來
薄力少氣 不得自在 得失之宜 一不由已
設見屠殺 不離其側 當知此人 從剝獄來
瞋恚無常 尋知變悔 時能辭謝 不經日夜
既責其心 如被刑罰 此人乃從 毬地獄來
喜宿臭處 好食麤弊 所著醜陋 從屎獄來
顏貌醜惡 口氣麤穢 好譏謔人 善香獄來
當觀此貌 所從來處 知之遠離 如避劫燒
次說畜生 受形殊異 專心思察 無造彼緣
語言舒遲 不起瞋恚 謙敬尊長 從象中來
身大醜穢 堪忍饑寒 健瞋難解 從駝中來
遠行健食 不避嶮難 憶事識真 從馬中來
恩和寬仁 堪履寒熱 所行無記 從牛中來
高聲無愧 多所愛念 不別是非 從驢中來
長幼無畏 恒貪肉食 衆事不難 從師子來

身長眼圓 遊於曠野 憎嫉妻子 從虎中來
毛長眼小 少於瞋恚 不樂一處 從禽中來
性無返復 喜殺害蟲 獨樂丘塚 從狐中來
小聲勇健 無有姪欲 不受妻息 從狼中來
不好妙服 伺捕奸非 少眠多怒 從狗中來
身短毛長 饒食睡眠 不喜淨處 從猪中來
毛黃卒暴 獨樂山陵 貪食華果 從獼猴來
多妄強顏 無所畏難 行知反復 從鳥中來
情多色欲 少於分義 心無有記 從鴿中來
所行返戾 強辯耐辱 不孝父母 鸕鷀中來
亦不知法 復不知非 晝夜愚惑 從羊中來
好姪喜談 數親豪族 衆人所愛 鸚鵡中來
所行卒暴 樂人衆中 言語多煩 鸛鵒中來
行步舒緩 意有所規 多害生類 從鶴中來
體小好姪 意不專定 見色心惑 從雀中來

眼赤齒短 語便吐沫 卧則纏身 蛇虺中來
語則瞋恚 不察來義 口出火毒 從蝎中來
獨處貪食 聲響暗呢 夜則少睡 從猫中來
穿牆竊盜 貪財健恐 亦無親疎 從鼠中來
深觀相貌 從畜生來 次說餓鬼 專意聽之
身長多懼 以髮纏身 衣裳垢全 從餓鬼來
脣乾鼻塞 咽細色黃 行喜顛倒 從餓鬼來
姪洪慳貪 嫉彼所得 不好惠施 從餓鬼來
不孝父母 家室大小 動則諍訟 從餓鬼來
不信至誠 所從趣為 薄力少智 從餓鬼來
聲壞響塞 卒興瞋恚 食便好熱 從餓鬼來
恒乏財貨 空貧匱陋 智者所嗤 從餓鬼來
門不事佛 不好聞法 永絕天路 從餓鬼來
不敬妻子 兄弟姊妹 人所憎嫉 從餓鬼來
生則孤保 無人瞻視 終歸來處 從餓鬼來

意志褊狹 不好榮飾 所行醜陋 從餓鬼來
所為不獲 所作事翻 人所驅逐 從餓鬼來
成事喜敗 不審根元 不受人諫 從餓鬼來
不樂淨處 喜居廁園 顏貌醜穢 從風神來
身大喜好 恒貪食肉 獨樂神祠 從閻叉來
健瞋合鬪 見物貪著 無有畏忌 從閻叉來
見者毛豎 直前熟視 如似所失 從羅刹來
體狹皮薄 顏色和悅 聞樂歡喜 皀杳和來
意好輕飄 香熏自塗 多諸技術 皀杳和來
恒喜歌舞 男女所侍 先語後笑 甄陀中來
情性柔輒 曉了時節 能斷漏結 真陀羅來
此餓鬼相 閱又羅刹 次當說人 隨其根源
知趣所生 所執不忘 曉了事業 從人道來
解諸幻偽 已不為之 所作平等 從人道來
善惡之言 初不忘失 不信奸偽 從人道來

貪姪慳嫉 執心難捨 盡解方俗 從人道來
信意惠施 解法非法 心不偏頗 從人道來
不失時節 亦不懈怠 供敬聖賢 從人道來
設見沙門 持戒多聞 至心承事 從人道來
供奉諸佛 正法衆僧 隨時聞法 從人道來
聞法能知 聞惡不爲 速逮泥洹 從人道來
此是人相 粗說其貌 今說天狀 所從來處
眼圓面方 黃體金髮 盡備技術 阿須倫來
直前視地 無有疑難 見怨輒擊 阿須倫來
依須彌山 有五種天 本所造緣 其相不同
腰細脚羸 恒喜含笑 智者當察 從曲天來
意好微妙 少於資財 見聞則懼 從尸天來
身長體白 顏色端正 不好火光 從婆天來
常懷悅豫 聞惡不懷 不從彼受 從樂天來
思惟忍苦 好分別義 慈孝父母 毗沙天來

宿不樂家 喜遊林藪 志念女色 從三天來
財寶雖多 生卑賤家 心樂清淨 從三天來
任已自行 所爲不尅 望斷願違 從三天來
意喜他姪 不守己妻 爲鬼所使 他化天來
承事父母 順法宜則 已短彼授 兜術天來
非道求道 心無悵想 不樂在家 從梵天來
意頑性質 恒貪睡眠 亦不解法 無想天來
五趣衆生 各有元本 性行不同 志操殊異
時王阿育 心猶懷恚 告諸群臣 聽我法要
卿等觀此 利劍神輪 若不時檢 造書之首
群七 盡當殺害 閻浮地民 今此境界 三八 丘如曠野
諸臣拜跪 前白王言 願垂寬忍 今當究審
尋出四布 聽外誣言 改形易服 隱容微察
爲誰作書 信使是誰 往來石室 斯是何人
匿情內發 聲流外彰 夫人淨容 耶奢所造

諸臣運集前白王言聽臣所陳書印之原
今者此賊在王肘腋夫人善容臣耶奢是
王聞此語奮赫天威即勅左右推檢此人
將來王所詰問情實卿等審毀王子目耶
二人戰慄默然不對亦不言作復不言非
王瞋恚盛勅語傍臣速將此人閉著鐵牢
周市然火聚焚燒之即收反縛將詣獄所
熾火燒殺死入地獄當復經歷劫數之難
所以然者王子昔日生波羅柰貲財無極
時有老母孤窮僕凍兼將孤子詣門乞求
王子出見便生瞋恚以手掬土塗其兩目
母子懷恚興心生念設我更生與汝相遇
當挑兩目如捐瓦石善惡不腐如影隨形
時老母身今夫人是所將孫兒耶奢身是
既謗羅漢又辱孤母衆緣逼切有何可避

群七

二十九

爾時尊者與諸人民廣說法味微妙之教
當熟思惟眼聚之法本從何來移至何所
來亦無始去亦無終尋不見跡何者是眼
莫著眼色起有常想此亦不久必當壞敗
色如聚沫法當分散聲香味法都無真實
恩愛離苦怨憎會苦盡當捐捨修行慈仁
月光夫人采女之衆六十餘人聞法見諦
初見道跡得法眼淨七生七死盡於苦原
復有勇猛十千闍士得頻來道無復畏難
三千夫人諸垢穢盡皆得道果安處無爲
復有百千諸豪尊貴受三自歸師宗法益
尊者善念將諸比丘上天導引復道而去
到精舍已終訖說法飛在虛空作十八變
坐卧自由各捨形壽入泥洹界無復生老
阿育王子法益壞目因緣經

音釋

疊

許覲切

疑

魚力切

培

都回切

宵

涼

胷古法切

也

苦於道也

施

硃

我硃可切

硃

挫動貌

蹶

居月切

也

暗

呢

呢於筆切